




32

廣州府志卷八十五

古蹟署三 署宅二

順德縣

察院廢行臺在阜南門外

據順德志

布政分司廢行署在縣署左

據張府志

按察分司廢行署在縣署右

同上

兵備道廢行署在阜南門內

據順德志

府館在阜南門外久廢

舊縣署在阜南門外明景泰初置縣時知縣周亶建

俱同上

縣丞舊署在縣署西

據郝通志

主簿廢署在縣署西

據阮通志

河泊所廢署在縣城南碧鑑坊

據順德志

都甯巡檢舊署在都甯村上

同

江村巡檢司舊署在縣西江村堡

據郝通志

馬岡巡檢司廢署在縣南容奇堡馬岡村明洪武間設在小

灣堡亦圯

據金通志

紫泥巡檢司廢署原在大洲後因傾圮移駐赤花今廢

據順德志

左翼鎮府舊署在縣署西南今改為順德協副將署

據張府志

陰陽學醫學俱在縣東久廢

據順德志

羊額書院在羊額堡宋淳熙間縣尉盧滄建

據

大清一統志

謹案淳熙順德志作淳祐

鼎齋書院在馬甯堡宋咸淳間進士麥雷奮建

據順德志

義齋書院在大羅村宋咸淳間江西進士官制置使黎宏建

李忠簡題歲久傾圮孫孝廉來王來享修復

翠巖書院在桂州元延祐間解元岑蒙正建

鳳凰書院在陳村明嘉靖間知縣曾仲魁建久廢

忠簡書院在龍津樟村進士李際明建

俱同上

孫典籍書屋在縣西八十里平步翠華社側一名烟霞書舍

明孫黃藏書處

據大清一統志張府志順德志參修

壺山書屋在鼎新堡壺山下明陳文恭爲梁景行題曰小壺

山

據順德志

嚮陽樓在陳村宋賜御書匾祀李忠簡像又名探花樓

據順德志

望月樓在南郭外下瞰碧鑑海明正德十年主簿廖彪建今

圯

據張府志

鐘樓舊在梯雲山麓明知縣胡友信移建於儒學東構木爲

閣高數仞後圯順治間知縣張其策重修

同上

空雨樓在龍山明陳元孝故居

據岡州遺稿

巢翠樓在龍津明黃疇自新會擇居龍津之涯名洲曰文洲

因以自號環合抱松百株有二株尤奇古覆以篷藉板構結

爲小樓宣德間題咏甚眾子鸞記之

據順德志

寶翰樓在龍津沙洲坊明歐大任建藏御書不二字匾

同上

金紫閣在龍山金紫峰

據龍山鄉志

阿閣在南門外明黃士俊建

據順德志

安福閣在小灣堡明區龍貞建祀羊叔子

才義閣在古朗明天啟間建旁有松二株大數圍相傳

國初尙藩伐作船材爲神所拒使者畏遁

俱同上

久遠堂在陳村宋理宗御書扁賜侍郎李昉英明洪武間其

後人建祠懸之

據張府志

編 墨花堂在桂州明鄉賢胡鷺園讀書處史官陳仁錫題據瓊臺會

種德堂陳文恭爲編修蘇葵題據張府志

世善堂在西潯陳文恭書并題以詩云世善堂前花似錦好

花端爲老人開老人不好花顏色惟愛花香入酒杯據白沙集順德

志參修

貽馨堂在沖鶴鄉明潘光統建據黃通志

百歲堂在阜南門外明知縣方攸躋爲壽民羅振建據黃通志

光大堂在龍頭明都給事蘇應旻建祀贈戶科給事中蘇政

二白堂在龍頭堡明副使趙崇信建祀封大理寺評事趙汝

旻俱同上

貽清堂在赤花周涌明鄉賢吳繼禧乞休後所築卽高士吳

裕隱居故址監司葛岷瞻顏之曰五柳據順德志

世芳堂在赤花明李子長爲關文德題同上

沙洲草堂在赤花村明區世元隱居據金通志

雪聲堂在龍山鄉明陳邦彥故居據龍山鄉志

忠義鄉亭在縣西北四十五里明初廖永忠兵至廣州鄉人

關敏導其兵以攻盧實善實善知之攻敏滅其家永忠奏聞

名其鄉曰忠義構亭表之據大清一統志

敘英亭在都粘堡宋梁節建其孫民縉重修學士錢溥有記

據張府志

謫仙亭在鹿門村爲明翰林庶吉士鄒智建據黃通志

望瀛亭在縣學左後更名望禾明知縣吳廷舉建據黃通志張府志參

修

蓼莪亭在平步堡明鄉儒唐豫痛二親遭湛萊民之禍作是

亭以寓孝思主事劉履爲之記

據張府志

孝思亭明教諭趙騰建解開先陳漣並有記

舒嘯亭在縣治內明知縣吳廷舉建嘉靖間知縣吳寵改建

鎮宇樓

甘露亭在南關外伏波橋頭明知縣胡友信建時有甘露之

瑞故名

臥愚亭在大良南郭外邑人羅子房隱居今圯

今仙亭在阜南門外相傳羅務光修煉之所

俱同上

采芳亭在拱北門外初名湛月人多題詠

據黃通志

勸農亭在阜南門外舊爲花園廟明知縣吳廷舉改爲亭書

農事要語於壁

同上

雲巖亭在桂洲獅山麓胡高德募洛社諸名勝因建此

據張府志

捧日亭在龍山鄉明嘉靖末爲拒賊黃蕭養事平建

據龍山鄉志

松亭在沙渚鄉明逸士岑文亮文凱隱居課子處其後人萬

用賓清風直節歸隱處猶稱松林擁翠蓋取後凋義也

據順德志

桂亭在陳村羅拔廣世居其西篤孝友恬淡守道植桂遍階

除故名鄉人稱曰桂亭先生

釣魚臺在古粉村明鄉賢李抱真故宅今建抱真書院

超然臺在縣署內康熙十三年知縣張學孔重建

湛碧軒在赤花錦溪上明洪武間林仲庚建同時多題詠者

俱同上

林軒在大羅鄉文溪上明邑人黎平叔棲息處

據瓊臺會稿

蘧園在龍津明歐大任建鑿池架閣植松筠杞菊於庭一時

士夫唱和甚盛

據張府志

櫟園

據虞邵集

明歐大任櫟園記畧余邑南冲鶴里土壤夷衍林木叢茂蓋靈和蓄結膏澤涵浸之鄉也潘君子朋世於是家焉於近宅選勝一區依古樹爲園因高爲山因窪爲池池上爲臨漪亭前爲襲芳館後爲餐霞閣旁有靜寄軒易安齋合而名之曰

櫟園

小隱園在陳村橫畧明萬厯間黃隱士鶴樓所築

據順德志

玩芳園在陳村明天啟五年黃鴻臚積行所闢有白鵝池聳

翠樓諸勝

同上

碧梧園在陳村邑人李殿苞建袤廣十餘畝古木森陰蜿蜒若天巧前爲方池池中累石成山傍封塚二葬殘筆傲硯其中且勒銘以志之其子琯朗復構亭臺於山上布置如畫顏

曰一簣山房

據張府志

謹案粵臺徵雅錄順德志俱云在龍津堡篁村

帆園在北門外邑人陳迪儁建每蓮開荔熟林深鳥語招客

於重泉樹杪閒亦勝地也名人題咏甚多今廢

同上

定雲齋在赤花元季羅子魯子文賢讀書處

據順德志

梅花庄在龍山沙富鄉南明邑人張燦讀書處梅花環繞其

側

據龍山鄉志

煙還庄在龍山鄉明太僕林逢春隱處

同上

雪庄在赤花明嘉靖間梁儲爲羅旺題

據順德志

香草庄在羊額何悅聖建士夫多觴詠於此

半溪小院在赤花龜岡明李恆生建

寶善廬在葛岸鄉隱士岑易簡建

不去廬在羊額北田何衡何絳兄弟隱此同縣梁寒塘陳獨

漉番禺陶苦子時來唱和號北田五子

俱同上

石湖別業在北門外邑人羅孫燿建中有亭臺樓閣滙潭岐

嶼曰迷蜨園

據張府志

國朝何絳同陳元孝宿石湖詩松聲起中夜微月上高枝開閣共深坐清光宛在茲閒心正相似幽賞有誰知隨意鳴孤磬清風出水湄

鶴鳴古社在沖鶴鄉宋景定間潘鶴林自閩遷此

據順德志

紫霄詩社明嘉靖五年知縣林應聰以紫霄圃改建又作二

亭曰借樂曰雪鴻今圯

據張府志

龍池社在佛濬明李裕德建歐經季黃元光關彥彬彥琳時

相唱和其間當日雅流結社幾與浮邱南園爭勝云

據順德志

海西社在佛濬明嘉隆閒祕書黎惟敬結社於此

君子社在林頭村明鄉賢梁紹震故里前有古松

鄧公墳在縣南二十五里冲鶴鄉宋末廬陵鄧光薦避地入

廣卜居於此

據大清一統志五山志林參修

東莞縣

察院行署在縣治右卽軍器局舊址今圯

據黃通志張府志參修

布政分司廢行署在縣治右

據郝通志

按察分司廢行署在縣治左

同上

海南道行署在縣南頭東莞所

據黃通志

府館在城隍廟右後遷資福寺右今圯

據黃通志張府志參修

東莞縣故治一在東莞場北一在大朗村東

據黃通志

縣丞舊署在縣署東南

據張府志

舊尉廨在道家山東

同上

稅課大使廢署在縣南德安橋側

據東莞志

白沙巡檢司廢署在縣西南白沙村今裁據郝通志張府志參修

缺口巡檢司廢署在周家村據阮通志

京山巡檢司舊署在縣東北茶園寨後遷京山村據張府志東莞志參修

中堂巡檢司舊署在縣西麻涌村據張府志

謹案阮通志引府志云在樊塘蓋傳寫之譌

河泊所廢署在縣西門外據郝通志

水馬廢驛一在鐵岡村案張府志作鐵岡驛今圯一在城外迎恩橋一在

縣東北黃家山據張府志東莞志參修

虎門協副將舊署在虎門寨即今左翼鎮總兵署據張府志

南海衛廢署在縣治西南據東莞志

舊儒學在縣東南二里據金通志

舊陰陽學在上清觀右今圯

據張府志

宋行朝在縣治西南二百八十里梅蔚山宋景炎丁丑帝舟

次於此營二殿故址猶存

據黃通志

漢孝子黃舒故居南越志寶安縣東有參里縣人黃舒者以

孝聞於越華夷慕之如曾子之所為故改其居曰參里也

據太

平寰宇記

南漢邵廷珣故居在縣西南八十里篁村仁壽里今稱邵公

墩

據東莞志

經史閣在舊儒學宋建

據文溪集

宋李昂英經史閣記莞號廣聞邑羅浮址之厚海負之鉅彥秀民為多設學宜稱是洵熙此焉始基開禧丙寅遷大成殿於西嘉定辛巳因移蠻舍於其前面勢眠厥初差易位而當勝處至紹定己丑而後對闢齋廬重作南門纔具體而微亦艱矣世俗吏類急期會迂化本鞠蔬積弗治老屋將壓新築亦倣何易也溫陵許君以海內大儒來宰邑始廟謁謂庠序

圯陋庀繕其事由殿而廡而祭器庫而門而庖而漏鼎鼎偉
觀乃躬程試收其雋尤育之淑之員倍給餼餼衿佩自遠方至
于于弦歌洋洋前此未有也邑有沒入之田若干金錢若干
法當上憲臺公并謂歸學繡衣使弗靳繼粟裕卽直廬而閣
其上收圖籍度之萬籤森架士得讀所未見學垂百年草荆
未完公手營之學田閱幾合漠不問公能增益之然皆其餘
事公之學得伊洛心傳所至山斗規矩嚴條教悉日夜至齋
房與諸生講論有一藝能極口稱獎不中不才者亦循循善
誘卒爲成人他日大其用以斯道覺斯民
使天下皆在道化中卽百里規模之充也

思賢堂舊在儒學內宋淳熙中建祀邑令陳謨司戶翟傑陳

慥據郝通志

望至堂在烏沙宋季潮州教授李佳痛其母忠烈翁海死旣

招魂葬於雞心山復作堂以望母云據東莞志

雙忠雙節堂南海衛百戶范震祖享父瑛俱死於戰祖母陳

氏母陶氏皆守節故名同上

六君子堂在儒學寶書閣後祠宋五子及南軒張氏以張文

獻余襄公崔清獻配後堂廢乃像張余崔公於寶書閣下歲

以丁舉祀以邑賢梁文奎梁該錢益配之

據黃通志

洪山堂在東城外明嘉靖初改為覽秀社學

據張府志

萬卷堂在新橋右明侍郎陳璉建

據黃通志

經訓堂明邑人陳用原建

據瓊臺會稿

廉泉亭在黃嶺下宋紹興間縣尹張勳建元邑令郭應木重

建明邑令吳中復修

據黃通志張府志東莞志參修

元侯圭廉泉亭記至大四年連州判官郭侯攝東莞邑事未數月政修人和奸猾屏蹟暇日乘輿而適野至黃嶺之下見廢井不食頽垣敗壁有無井之心問於左右曰此名廉泉紹熙間邑令張侯所鑿也泉味甘冽深僅尺許窮冬亢旱不竭張侯又作亭泉上時與客來作茗事刻石亭上曰烹茶記其後亭廢記亡井亦不治咸淳初攝令袁侯盡復之廣帥省身雷公爲書廉泉二大字榜亭額進士余復亨爲記而廢於兵者四十年矣侯酌泉飲之信買石鑿井因舊址爲亭因舊名爲勝成之日名勝盛會侯顧亭榜而言曰亭泉之名雖祖濂溪然因名以尋其義則省公之意亦非苟然也凡並海之水